



Jumat, 14 Juni 2024

Ogen: Imamat 17:11



Kegeluhen Ibas Dareh



Megati sibegi kalak si ermomo i bas grup WA kerna sada-sada berita, nina 'perlu kal genduari dareh golongan O lit kade-kadenta genduari i rumah sakit, apai kam si nggit ndonorken darah tuhu-tuhu itimai kami.' Bage me kebutuhan manusia nandangi dareh enda, sabap dareh salah sada dalanna maka manusia banci nggeluh. Rikutken medis, manusia dikune kekurangan dareh erbahan daging kula la ergegeh, turah pinakit, bage pe dikune kelebihan pe lit nge efek si turah. E maka kalak sikekurangan perlu kal ia dareh guna mpegeghi kulana dengen nerusken kegeluhenna, si iperingeti i bas wari enda, kita merluken dareh kalak sideban. Sebaliknya, arus lit ka sindonorkenca darehna man kalak si perlu.

E maka lit hari donor dareh se-doni si iperingeti kita wari enda. Ibenaken i bas tahun 2005 situjunna ngatakan bujur man kalak pendonor dareh si mereken darehna alu ukur meriah. Sabap arah litna kalak ndonorken darehna maka lit kegeluhen sekalak jelma banci tersampati. Enda nurikenca maka banci sisampati kalak sideban i bas sada dampar. Adi kesah Dibata merekenca tapi banci penampat isehken kita jadi dalam guna njagai kegeluhenna. I bas kininggiten mere kita ipake Dibata jadi alatNa guna nampati kegeluhen kalak sideban.

E me dalam-dalanna persembahen i batat-batat rumah pertoton e me dareh si mambur jadi pengalemi dosa, mereken kegeluhen man kalak simaba persembahen nggeluh i bas pengalemi dosa. Sabab dosa mabai kematen man manusia. I bas Padan Si Mbaru igenepi Jesus, alu darehNa simambur iuruk Golgota jadi kegeluhen si mbaru, geluh si enggo itebus ras ipebadiaken Dibata. Geluhta itebus labo arah emas, pirak, rupiah ras sidebanna. Emaka siergai darehNa simambur guna keselamatannta.